

Gvangjsih Minzcuz Bau

Cawjguenj: Gvangsih Bouxcuengh Swcigh Minzcuz Cunghgyau Swvu Veijyenzvei Cawjbanh: Gvangsih Minzcuz Bause Geiz neix 8 banj
广西民族报 Aenhauh okbanj: CN45-0036 B.2023 Nd.8 Ng.9 Liggaeuq gvejmaux nienz ndwenloeg ngeihsam Geizsoq: Gungh daih 3584 geiz

Banj Saw Minzcuz 《Siz Ginbingz Cucoz Senjduz》 Gienj Daih' it、Gienj Daihngeih Baenz Bonj Ok Saw Gvaq 《习近平著作选读》第一卷、第二卷民族文版出版发行

Sinhvazse Baekging 8 nyied 2 hauh dien Banj saw minzcuz baudaengz Sawmungzguj、Sawcang-vwnz、Sawveizvuzwj、Sawhahsazgwz、Sawcauzsenj、Sawyizvwnz、Sawcuengh daengj caet cungj《Siz Ginbingz Cucoz Senjduz》gienj daih' it、gienj daihngeih, fanhoiz sat caez gvaq, geij ngoenz neix youq daengx guk ndaej baenz bonj ok saw gvaq.
Bonj 《Siz Ginbingz Cucoz Senjduz》gienj daih' it、gienj daihngeih youz Cunghgung Cunghyangh Vwnz-yen Benhciz Veijyenzvei bienguh de,

2023 nienz 4 nyied youz Yinzminz Cuzbanjse bien okbanj. Miz Cunghgung Cunghyangh Senhconzbu、Gozgyah Minzcuz Swvu Veijyenzvei hezdiuz, Cunghgoz Minzcuz Yijvwnz Fanhyizgiz comz vunz laeb aen doih fanhoiz saw minzcuz daengx guk, youq 2023 nienz 7 nyied fanhoiz sat banj caet cungj saw minzcuz 《Siz Ginbingz Cucoz Senjduz》gienj daih' it、gienj daihngeih. Banj saw minzcuz 《Siz Ginbingz Cucoz Senjduz》gienj daih' it、gienj daihngeih ndaej baenz bonj ok saw, itdingh ndaej caiq

doidoengh gyoengq ganbu、ginzcung siujsoq minzcuz haeujlaeg hag ndei hengz ndei Aen Swhsiengj Sevei Cuiyi Miz Gij Daegsaek Cungguk Seizdaih Moq Siz Ginbingz, laegdaeuq roxyiuj “song aen dinghlaeb” cij bauj baenz-saeh, lailai guh daengz “seiq rox”、roengz maenh “seiq aen gagsaeng”、guh daengz “song aen henhoh”, aeu gagrox youq swhsiengj fuengmienh cwngei fuengmienh hengzdoengh fuengmienh caeuq aen Dangjcunghyangh aeu Siz Ginbingz dungzci guhgoek de seizseiz doxdoengz caez,

vih cienzmienh hwnqguh aen guekgya sevei cuji yendaiva、cienzmienh doicaenh Cunghvaz Minzcuz fukhwng hungmbwk bae doxgiet buekguh.
Banj Sawmungzguj、Sawcang-vwnz、Sawveizvuzwj、Sawhahsazgwz、Sawcauzsenj 《Siz Ginbingz Cucoz Senjduz》gienj daih' it、gienj daihngeih, youz Minzcuz Cuzbanjse baenz bonj ok saw; banj Sawyizvwnz、Sawcuengh, youz Minzcuz Cuzbanjse faenbied gap Swconh Minzcuz Cuzbanjse、Gvangsih Minzcuz Cuzbanjse guh baenz bonj ok saw.



Sanhgyangh: Guh Yezyej Hawj Gak Minzcuz Lai Ndei Doxcunz Doxhag Doxgyaux
三江：月也助力各族群众交往交流交融
8 nyied 5 hauh banhaemh, Sanhgyangh Duncuz Swciyen Linzhih Cin Cazhih Cunh daengz Gvandung Cunh guh yienghsaeh Yezyej. Vunzlai song aen cunh neix doxcomz youq gyang Buenz Laeuzgyong Gvansiuj, diuq foux caijdangz、doxdax boq venz、guh donq bak ranz、biujyienj cezmuz daengi, guh neix hawj gak minzcuz song aen cunh neix lai ndei doxcunz doxhag doxgyaux, hai goeng-rengz liuxcaez bae hawj vunz seizseiz laemxsim nyinh Cunghvaz Minzcuz ranz vunz ndeu, coengh guhhoengh lajmbanj.
(Gungh Bujgangh/龚普康 Vuz Haijcwz/吴海册)

Gih Raeuz Coihawj Gyoengqvunz Duetgungz Lienzdaemh Gyalai Souhaeu

我区促进脱贫群众持续增收

Dou cam Swcigh Yangcunh Cinhingh Giz cix rox, gih raeuz dangq hwngfat canjnieb caeuq bauj miz hong ndaej guh hong baenz gizroengzfwngz daeuz, ndaej coihawj gyoengqvunz duetgungz lienzdaemh onjdingh lai miz souhaeu, gyamaenh gyalai gij cwngzgoj haenqrengz duetgungz、doi-

doengh guhhoengh lajmbanj baenz-saeh yienhda. Daihgaiq bae suenq, bi' gvaq 10 nyied daengz bineix byongh bi gonq, daengx gih gyauejvunz duetgungz ndawde dan bingz suenq daengz gak baux cix ndaej 1.2843 fanh maenz souhaeu cinghseuq, beij bi' gvaq caemh duenh gyahwnj 16.9%.

Suenq daengz 6 nyied yaek sat, daengx gih gyauejvunz duetgungz (baudaengz doengh ranz deng yawj riengzlaeng) baenz 284 fanh vunz ndaej dajgoeng, guhsat 105.89% hongfaenh daengx bi yaek guhbaenz, beij bi' gyai caemh duenh gyalai 3.03%. Caemh neix, gih raeuz mbouj-

duenh gyaak haeujcoengh canjnieb, lailai bangfuz canjnieb, daiqdoengh gyoengqvunz duetgungz ndaej onjdingh gyalai souhaeu. Bineix byongh bi gonq, daengx gih dieg duetgungz gai bae nungzfu canjbini lienzdaemh gyalai, gai ndaej 109.92 ik maenz.
(Vangz Yengin Dwing Cujdij)